

Covid-19ak eragindako alarma-egoeraren deklarazioaren ostean ezarritako itxieraren ondoriozko murrizketak eta debaluazioak arintzeko, euren jarduera zallan alta emanda duten txikizkako saltoki, ostalaritza-establezimendu eta zerbitzu profesionali dirulaguntzak emateko premiazko deialdiaren oinarriak

Enkarterri Zerbitzuak SLko Administrazio Kontseiluak 2020ko apirilaren XX(e)(a)n onetsi ditu COVID-19ak eragindako alarma-egoeraren deklarazioaren ostean ezarritako itxieraren ondoriozko murrizketak eta debaluazioak arintzeko, euren jarduera Zallan alta emanda duten txikizkako saltoki, ostalaritza-establezimendu eta zerbitzu profesionali dirulaguntzak emateko premiazko deialdiaren oinarriak.

Eta horren berri ematean da, denek jakin dezaten, eta dirulaguntza horien oinarri osoak argitaratzen dira.

Eskaerak hemen aurkeztu beharko dira:

— Zallako Udaleko Erregistro Telematikoa.

Zallako Udaleko Erregistro Orokorrera postaz bidalita, baldin eta postaz bidalitako egunean zigilatuta badago.

— Zallako Udaleko Erregistro Orokorra:

Kosme Bibanko 1
48860 -Zalla – Bizkaia

Eskaerak aurkezteko epea 10 egun baliodunekoa izango da, iragarki hau Bizkaiko Aldizkari Ofizialean argitaratu eta hurrengo egunetik aurrera zenbatzen hasita.

Hori guztia jendaurrean jartzen da, orok jakin dezan.

Zalla, 2020ko apirilaren XX(a).—Administrazio Kontseiluko presidentea, Juan Ramón Urkijo Etxeguren

Covid-19ak eragindako alarma-egoeraren deklarazioaren ostean ezarritako itxieraren ondoriozko murrizketak eta debaluazioak arintzeko, euren jarduera zallan alta emanda duten txikizkako saltoki, ostalaritza-establezimendu eta zerbitzu profesionali dirulaguntzak emateko premiazko deialdiaren oinarriak

1.—Diruz lagundu daitekeen xedea eta epea:

Dirulaguntzaren deialdi honen xedea da 10 langile baino gutxiagoko saltoki, ostalaritza-establezimendu eta zerbitzu profesionali dirulaguntzak ematea (mikroenpresa, Batzordearen 2014ko ekainaren 17ko 651/2014 (EB) Erregelamenduaren I. eranskinaren arabera), alde batera utzita haien figura juridikoa, baldin eta jarduera Zallan alta emanda badute, COVID-19aren bilakaeraren ondoriozko egoerak arintzeko.

Alarma-egoeraren deklarazioan, behin-behineko aparteko neurriak hartu ziren birusa prebenitu eta geldiarazteko eta gizarte-, osasun- eta ekonomia-arloko eragina arintzeko. 463/2020 EDaren 10. artikulua onetsi egin zuen txikizkako lokalak eta establezimenduak jendearentzat ez irekitzea, honako txikizkako merkataritza-establezimendu hauek izan ezik: janari, edari eta premiazko produktu eta ondasunen dendak; farmazia- eta osasun-establezimenduak; optikak eta ortopediak; higiene-produktuen dendak; prentsa- eta paper-dendak; automoziorako erregaien zerbitzuguneak; estankoak; teknologia- eta telekomunikazio-ekipoen dendak; etxeko animalientzako janaria saltzen dutenak; Internet, telefono edo posta bidezko merkataritza-dendak; tindategiak eta arropa-garbitegiak.

Enkarterri Berri Zerbitzuak SLk, Zallako Udalaren jabetzako sozietateak, dirulaguntzen plan estrategikoaren barruan Ekonomia Sustapenaren, Enpleguaren, Merkataritzaren, Turismoaren eta Enplegurako Prestakuntzaren eskumen-arloetan tresnak ezartzeko ahalmena duenez, beharrezkotzat jotzen du bere baliabideak izatea eta dirulaguntzak onartzea, aurreko paragrafoan deskribatutako eta beren jarduera derrigor utzi behar izan duten kolektiboek laguntzeko, egonkortasun ekonomikoari euste aldera eta ahal den neurrian itxieragatik merkataritza-jarduerarik ez izatea arintzeko, Estatuak hala onesten duenean jarduerari berriro ekin diezaioten.

Illo horretan, denok dakigu salgaiaren iragankortasunak sortzen dituen arazoak, bai ostalaritza-establezimenduetan bai saltokietan; izan ere, salgai gehienak sasoikoak izaten dira.

Laguntza honen xedea da zertxobait gehiago lasaitzea saltoki txiki, ostalaritza-establezimendu eta zerbitzu profesionalak, eta, zehazki, salgaien balio partzialaren edo osoaren galerari aurre egitea eta galera hori arintzen laguntzea.

2.— Aurrekontua.

Dirulaguntza honen aurrekontua 25.000 €-koa izango da.
Zenbatekoa eskaera guztiei erantzuteko nahikoa ez bada, proportzionalki banatuko da.
Dirulaguntza emateko, berau eman zen xedea bete izana justifikatu beharko da.

3.— Onuradunak, betekizunak eta laguntzen zenbatekoa.

3.1.- Ostalaritza-negozioak, baldin eta martxoaren 14ko 463/2020 EDan xedatutakoarekin bat etorritik euren jarduera eten egin behar izan badute eta salgaiak merkatura ezin ateratzeagatik horien balio partziala edo osoa galdu badute. Negozio horien **jarduerak Zallan alta emanda egon beharko du** eta 2020ko urtarrilean eta otsailean autonomoen edo, hala badagokio, Erregimen Orokorreko kuota ordainduta izan beharko dute, bai eta bestelako zerga-betebeharrak ere. Laguntza justifikatutakoaren % 20 izango da eta gehienez ere 200,00 eurokoa establezimendu bakoitzeko.

3.2.- Saltokiak. baldin eta martxoaren 14ko 463/2020 EDan xedatutakoarekin bat etorritik euren jarduerak eten egin behar izan badute eta salgaiak sasoikoak izateagatik euren biltegiko bildumek edo stockak devaluazio nabaria izan badute. Negozio horien **jarduerak Zallan alta emanda egon beharko du** eta 2020ko urtarrilean eta otsailean autonomoen edo, hala badagokio, Erregimen Orokorreko kuota ordainduta izan beharko dute, bai eta bestelako zerga-betebeharrak ere. Laguntza justifikatutakoaren % 20 izango da eta gehienez ere 400,00 eurokoa establezimendu bakoitzeko.

Beste betekizun batzuk:

- Dirulaguntza bakarria emango da ostalaritza-establezimendu bakoitzeko, jarduera hori garatzen duten autonomoak zenbat diren gorabehera.
- Ezetsi egingo dira establezimendu berean edo pertsona juridiko berarentzat lan egiten duten autonomoek aurkezten dituzten banakako dirulaguntza-eskaerak.
- Sasoikoak diren eta saltokiaren ohiko salmentan erreferenteak diren salgaiak baino ez dira diruz lagunduko, eta erabilera arrunteko materialaren erosketa alde batera utziko da.
- Dirulaguntza ordaintzeko, fakturak aurkeztu beharko dira.
- Honako hau izango da fakturen baliozko epea:
 - 3.1.- Ostalaritza-negozioak: 2020ko martxoaren 9tik 15era bitarteko fakturak (bi egunak barne).
 - 3.2.- Saltokiak: 2020ko urtarrileko eta otsaileko fakturak.
- BEZik gabeko zenbatekoa hartuko da aintzat.

4.- Dokumentazioa.

Dirulaguntza-eskaerarekin batera, honako dokumentazio hau aurkeztu behar da:

Eskaerak Zallako Udalaren zein Enkarterri Berri Zerbitzuak SL sozietate publikoaren erregistro orokorrean eta webgunean eskuragarri dagoen eskaera-ereduaren arabera aurkeztu beharko dira.

Onuradun guztiek honako hauek aurkeztu beharko dituzte eskaerarekin batera:

- Nortasun Agiri Nazionala (NAN).
 - Identifikazio Fiskalerako Zenbakia (IFZ) egiaztatzen duen txartela.
 - Egoitza-baimena — Atzerritarren identifikazio-zenbakia (AIZ), eta pasaporteak, hala badagokio.
 - Dagozkien fakturen kopia.
 - Diruz lagundu daitezkeen fakturen zerrenda.
 - Honako hau izango da fakturen baliozko epea:
 - 3.1.- Ostalaritza-negozioak: 2020ko martxoaren 9tik 15era bitarteko fakturak (bi egunak barne).
 - 3.2.- Saltokiak: 2020ko urtarrileko eta otsaileko fakturak.
- BEZik gabeko zenbatekoa hartuko da aintzat.*
Sasoikoak diren eta saltokiaren ohiko salmentan erreferenteak diren salgaiak baino ez dira diruz lagunduko, eta erabilera arrunteko materialaren erosketa alde batera utziko da.
- Enpresa/autonomoaren ekonomia-jardueren gaineko zergaren ziurtagiria.
 - 2020ko urtarrilean eta otsailean autonomoen kuota ordaindu izanaren ziurtagiria (sozietateentzat Gizarte Segurantzaren alta eman izanaren ziurtagiria).
 - Jarduera eteteko ebazpenaren kopia edo, halakorik ezean, eteteko eskaera edo eskaera egin ez izana justifikatzen duen beste edozein dokumentu.

5.— Eskaerak aurkezteko epea.

Eskaerak aurkezteko epea 10 egun baliodunekoa izango da, deialdi hau Bizkaiko Aldizkari Ofizialean argitaratu eta hurrengo egunetik aurrera zenbatzen hasita. Oro har, onuradunek honako hauetan eskatzen diren betekizunak bete beharko dituzte: Enkarterri Berri Zerbitzuak SLren dirulaguntzen prozeduretarako Jarraibide Orokorrak, Zallako Udalaren dirulaguntzen udal-ordenantza eta Dirulaguntzei buruzko azaroaren 17ko 38/2003

Lege Orokorra eta hura garatzen duen araudia.

6.— Instrukzioa, proposamena eta ebazpena.

ENKARTERRI BERRI ZERBITZUAK SLri dagokio deialdi honetan aurreikusitako laguntzen instrukzioa egitea, eta berak egingo du ebazpen-proposamena.

Ebazpena. Organo eskuduna: Administrazio Kontseiluko presidentea.

Prozeduraren ebazpena banaka jakinaraziko zaie pertsona edo erakunde interesdunei, bat etorri urriaren 1eko 39/2015 Legearen (Administrazio Publikoen Administrazio Prozedura Erkideari buruzkoa) 41.1 artikuluan ezarritakoarekin. Nolanahi ere, emandako dirulaguntzak Dirulaguntzen Datu Base Nazionalean argitaratuko dira. Laguntzen lerro berri hori bateragarria izango da beste administrazio publiko batzuek abian jar ditzaketenekin, baldin eta ez bada jasotzen COVID-19aren ondoriozko galeraren zenbatekoa baino dirulaguntza handiagoa. Bidezkoa bada, Dirulaguntzei buruzko 38/2003 Araudian ezarritako itzulketa-prozedura jarriko da abian. Emandako dirulaguntza banku-transferentzia bitartez ordainduko da, onuradunak adierazitako kontu-korrontean.

Laguntza ebazteko epea 20 egun baliouduneko izango da, laguntza-eskaerak aurkezteko epea amaitzen denetik aurrera zenbatzen hasita.

7.— Administrazioaren eskubidea aurkeztutako dokumentazioa gainbegiratzeko eta ikuskatzeko.

Enkarterri Berri Zerbitzuak SLk eskubidea izango du dirulaguntzaren onuradunak aurkeztutako zinpeko deklarazioan jakinarazitako datuak egiazkoak direla egiaztatzeko. Horretarako, dokumentazio osagarria eska dezake prozeduraren edozein unetan.

Onuradunek eskatutako dokumentazioa aurkezten ez badute, prozeduran atzera egin dutela ulertuko da, eta, bidezkoa bada, jasotako dirulaguntza itzuli beharko dute.

8.— Aplikatu beharreko araudia.

Oinarri arautzaileetan ezarritakoaz gainera, laguntzok Dirulaguntzei buruzko Lege Orokorrak (38/2003 Legea, azaroaren 17koa) eta berau garatzen duen araudiak arautuko dituzte.

Sozietatearen Administrazio Kontseiluak ahalmena izango du, aurreko paragrafoetan finkatutako helburuen arabera, erabakitzeke diruz lagunduko diren oinarri hauetan araututako laguntzetara aurkez daitezkeen eta aipatutako epigrafe edo irizpideetan jasota ez dauden kasuak.